

# АРИУН ЗООГИЙН ЁСЛОЛ БОЛОН ТҮҮНТЭЙ ХОЛБООТОЙ ТАЙЛБАР БОЛОН САНАЛУУД

*Ням гарагийн Христ итгэлт хүндэтгэл болон бусад зарчмын дагуух хүндэтгэл мөргөлийн ёслолын үеэр дараах дэс дарааллыг баримтална. Энэ нь хүндэтгэл мөргөлийн үндсэн загварыг харуулна.*

*Эдгээр нь хүндэтгэл мөргөлийн үйлчлэл хийхээр төлөвлөж буй хүмүүст хөтөч болох зорилготой болохоос чуулганы заавал сахих ёстой журам **биш**. Чуулганы үйл ажиллагааны тайлбарыг зарлал, тараах материал, дижитал проектороор дамжуулан хийж болно.*

*Тухайн пастор өөрийн үнэлэлт дүгнэлтээр орон нутгийн онцлог, уламжлалт соёлыг үйлчлэлдээ тусгаж болно. Бурханы Үгийг тунхаглах болон итгэгчдийн хариу үйлдлийг илэрхийлэхийн тулд бүжиг, хөгжим, төрөл бүрийн урлагийн хэлбэр жанрыг ашиглаж болно.*

## ЭХЛЭЛ

### ЦУГЛАРАЛТ

*Хүмүүс хамтдаа Эзэний нэр дээр цугларна*

Тэд цугларч байх хооронд дараах зүйлсийн аль нэгийг нь эсвэл түүнээс олныг хэрэгжүүлж болно. Үүнд:

Мэдээллийн цугларалт, харилцан ярилцлага, нөхөрлөл

Зарлал, угтан авалт

Магтаалын хөгжим болон бусад хэлбэрийн магтаал хүндэтгэлийн бэлтгэл,

Албан бус залбирлууд, дуулалт, гэрчлэл

**Чимээгүй бясалгал, хувийн залбирал**

**Хөгжимт, аман хөгжим болон бүжиг**

*Цугласан олонд хандан, удирдагч Эзэний нэр дээр мэндчилнэ.*

*Мэндчилгээнд дараах зүйлс орж болно. Үүнд:*

*Бичээсийн үг хэллэгүүд эсвэл Эзэн бидэнтэй хамт бөгөөд бидний хүндэтгэлийг хүчирхэгжүүлж буйг тунхагласан итгэгчид болон удирдагчдын хооронд харилцан үйлдэл. Эзэн бидэнтэй хамт байж мөргөлийг хүчирхэгжүүлдэг.*

*Бидний амьдралыг усан баталгааны амлалт руу эргэн дуудаж буйг илэрхийлэхээр цөгц рүү ус цутгах ёслол*

*Мэндчилгээний дуу болон магтан дуу*

### МЭНДЧИЛГЭЭ

Эзэн Есүс Христийн нигүүлсэл тантай хамт байх болтугай

**Тантай ч бас хамт байх болтугай .**

Дээш өргөгдсөн Христ бидэнтэй хамт.

**Эзэнийг магтагтун!**

## МАГТААЛ

*Хүмүүс хамтдаа Бурханыг магтана.*

Дараахын аль нэгийг эсвэл түүнээс олныг дуулж, хэлж болно. Үүнд:  
Магтаалын дуу болон магтуу.  
Чуулганаар магтах магтаалыг хөгжмийн зэмсэг оролцуулж, төрөлжүүлэх  
Тухайн өдрийн нийтийн залбирал  
Нүглээ наманчлах улирал болох мацаг барилт гэх мэт үед ялангуяа хийгддэг нүглээ  
улайх залбирал, хүлцэл өчих залбирал. Хэрэв гэмээ улайх болон гэмших цаг  
явагдчихсан бол энэ цугларалт дээр дахин давтан хийх шаардлагагүй.  
"Эзэн өршөөг" буюу "Kyrig, eleison" эсвэл "Өндөрт Бурханд алдар нь" хэмээн  
удирдагчийн хэлснийг нийтээрээ давтан хэлэх  
Дуулал эсвэл бичээс дээрх дуу  
Глориа Патри буюу Эцэгт алдар нь байг  
Сүлд дуу  
Бүх чуулганыг хамруулсан бусад төрлийн уран сайхны илэрхийлэмж

## ҮГ БОЛОН ТҮҮНД ХАРИУ ҮЙЛДЭЛ ҮЗҮҮЛЭХ НЬ

*Хүмүүс зүрх сэтгэл, оюун бодлоо Бурханы Үгийг сонсоход бэлтгэнэ.*

*Пастор эсвэл хүндэтгэлийн удирдагч Бурханы Үгийг уншиж, номлож, сонсож,  
хэрэгжүүлэхэд удирдах Ариун Сүнсний адислалыг авахад цугласан олныг удирдана.*

## ТАЙЛБАРЛАН ТАНИУЛАХЫН ТӨЛӨӨХ ЗАЛБИРАЛ\*

**Эзэн, Өөрийн Ариун Сүнсний хүчээр**  
**Бидний зүрх сэтгэл, оюун бодлыг нээгээч**  
**Бичээсүүдийг уншиж,**  
**Таны үг тунхаглагдах үед**  
**Өнөөдөр бидэнд хэлэгдэх таныг үг бүрийг баяр хөөртэйгөөр**  
**Чих тавин сонсох болтугай. Амен.**

## БИЧЭЭС

*Чангаар уншигдах Бурханы Үгийг хүмүүс сонордоно.*

Жирийн хүмүүс Хуучин Гэрээ болон Элч нарын уншлагыг уншиж Дуулал номноос залбирал үйлддэг уламжлалтай. Пастор номлолтой холбогдох сайн мэдээний номноос болон бусад ишлэлээс уншиж болно.

Хоёр эсвэл гурван бичээсийн уншлага ашиглагдана. Шинэчлэгдсэн Нийтлэг Товхимол нь эдгээр уншлагын гол эх сурвалж байна. Хэрэв үйлчлэл бүрт Хуучин Гэрээ, Элч нарын болон Сайн мэдээний уншлагууд байхгүй бол тухайн цагт тус бүрээс төлөөлүүлэн уншлагыг сонгон авч хүмүүс сонсоно.

Бичээсийн уншлагууд нь дараах төрлүүдээр байж болно. Үүнд:

Дуулал эсвэл дууллын нэг хэсэг, дуу эсвэл үгэн хэлбэрээр, эхний уншлагын дараа

Тухайн өдрийн номлолын ишлэлтэй холбоотой магтуу дуу, дуу эсвэл бусад урлагийн илэрхийлэмж  
Хэрэв энэ нь сайн мэдээний тухай бол сүүлийн уншлагын өмнө эсвэл дараа Халлелүяа дуулах

**Матай 5:1-12** ((Библийн шинэчлэн зассан стандарт хувилбар))

Есүс олон түмнийг хараад, уул өөд гарав. Түүнийг суусны дараа шавь нар нь Түүн дээр ирлээ.

Тэр ам нээн, тэдэнд сургаж эхлэв.

“Сүнсэн дотроо ядуу хүмүүс ерөөлтэй ээ! Учир нь тэнгэрийн хаанчлал бол тэднийх юм.”

“Гашуудаж буй хүмүүс ерөөлтэй ээ! Учир нь тэд тайвшрал авах болно.”

“Дөлгөөн хүмүүс ерөөлтэй ээ! Учир нь тэд дэлхийг өвлөн авах болно.”

“Зөвт байдлын төлөө өлсөж цангагч хүмүүс ерөөлтэй ээ! Учир нь тэд хангалуун болох болно.”

“Энэрэнгүй хүмүүс ерөөлтэй ээ! Учир нь тэд өршөөл энэрлийг хүртэх болно.”

“Зүрхэн дотроо цэвэр ариун байгч хүмүүс ерөөлтэй ээ! Учир нь тэд Бурханыг харах болно.”

“Амар тайвныг тогтоогч хүмүүс ерөөлтэй ээ! Учир нь тэд Бурханы хөвгүүд гэж нэрлэгдэх болно.”

“Зөвт байдлын төлөө хавчигдсан хүмүүс ерөөлтэй ээ! Учир нь тэнгэрийн хаанчлал бол тэднийх юм.”

“Надаас болж та нарыг хүмүүс доромжилж, хавчиж, хуурамчаар та нарын эсрэг зүсэн бүрийн хорон мууг ярихад та нар ерөөлтэй ээ!”

Тэнгэр дэх шагнал тань агуу учир баярлацгаа, мөн баяр хөөртэй байцгаа. Учир нь та нараас өмнө байсан эш үзүүлэгчдийг тэд ийнхүү хавчсан юм.

Энэ бол Эзэний үг.

**ЭЗЭН Бурханд талархал нь байх болтугай!**

## **НОМЛОЛ**

*Номлогч эсвэл бусад эрх бүхий удирдагч бичээсээс Бурханы Үгийг тунхаглаж хүмүүсийн*

*сонорт уншиж өгнө.*

Бичээсээс нэг эсвэл түүнээс олон ишлэл иш татагдаж Бурханы ажлын тухай гэрчлэлийг

тунхаглана.

## ҮГЭНД ҮЗҮҮЛЭХ ХАРИУ ҮЙЛДЭЛ

*Пастор болон бусад нь хүмүүсийг сонсож тунхаглагдсан Бурханы Үгэнд хариу үйлдэл үзүүлэхэд удирдана.*

Хариу үйлдэл нь дараахийн аль нэг эсвэл түүнээс олон нь байж болно. Үүнд:  
Христчин дагалдагч болоход уриалах, араас нь урилга буюу хариу үйлдлийн тухай эсвэл усан баталгаа болон баталгаажуулалтын тухай магтуу дуу дагалдах  
Баптисмын Амлалтын тодорхой хэсгүүд:  
Ариун Усан Баталгаа  
Баталгаажуулалт  
Усан баталгааны Амлалтын дахин баталгаажуулалт  
Нэгдсэн Методист Цуглаанд хүлээн авах  
Орон нутгийн чуулганд хүлээн авах  
Хүмүүсийн амьдралд биелэгдсэн Бурханы үйлсийн талаарх гэрчлэл  
Баптисмын Амлалт өгөхөд хэрэглэснээс гадна **итгэлийн тунхаг**

### **Төлөөлөгчдийн Итгэлийн Тунхаг**

Бүгдээрээ хамтдаа Хуучин болон Шинэ гэрээний Бичээст агуулагдсан Христ итгэлийг хүлээн зөвшөөрч, баталгаажуулцгаая.

Та Эцэг Бурханд итгэдэг үү?

**Би тэнгэр газрыг бүтээгч, аугаа хүчирхэг,  
Ертөнцийн Эзэн Эцэгт итгэдэг.**

Та Есүс Христэд итгэдэг үү?

**Ариун Сүнсээр бүрэлдэж, онгон Мариас мэндэлсэн,  
Понти Пилат захирагчийн үед зовж явсан,  
цовлогдон нас барж оршуулагдаад  
гурав хоногийн дотор үхлээс дахин амь орсон  
тэгээд тэнгэрт одож, аугаа хүчирхэг  
Ертөнцийн Эзэн Эцгийнхээ баруун гарын хүндэт суудалд заларсан,  
дахин ирж үхсэн амьд бүх хүнийг шүүх  
Түүний цорын ганц Хүү бидний Их Эзэн  
Есүс Христэд би итгэдэг.**

Та Ариун Сүнсэнд итгэдэг үү?

**Би ариун Сүнсэнд итгэдэг.  
Би ариун нэгдмэл цуглаан,  
ариун хүмүүсийн нөхөрлөл,  
гэмд үзүүлэх уучлал,  
дахин амилалт болон  
мөнхийн амьдралд итгэдэг.**

## САНАА ТАВИЛТ БА ЗАЛБИРАЛ

*Хүмүүс чуулган болон дэлхий ертөнцийн төлөө өөрсдийн холбогдох үйлчлэлийн талаар залбирлын сэдвүүд гаргана.*

Пастор эсвэл залбирлын удирдагч ирсэн хүмүүсээс залбиралд оруулахыг хүссэн тодорхой

хэрэгцээ эсвэл талархлын сэдвийг асууж болно.

Залбирал нь эдгээр хэлбэрүүдийн нэг эсвэл түүнээс олон нь байж болно. Үүнд:

Тус тусын удирдагчдаараа удирдуулсан (удирдагч) чуулганы гишүүдийн товч гуйлт, залбирал болон талархал. Эдгээр залбирлуудын төгсгөлд нийтээрээ “Эзэн, бидний залбирлыг сонсооч” зэрэг үгийг бүгдээрээ хэлэх эсвэл дуулж болно.

Гуйлт болон залбирлын мөргөл

Хүмүүсийн хэлсэн залбирлын сэдвүүдийг нэгтгэн пастороор удирдуулсан залбирал

Гэхдээ эдгээр залбирлууд нь хүмүүсийн хувийн асуудлаас гадна сүм чуулган, орон нутаг,

дэлхий нийт, итгэл, хүн төрөлхтөн, тэдгээрийн удирдагч, байгаль дэлхий зэрэг өргөн

хүрээний сэдвийг хамарсан байхаар удирдагч анхаарч чиглүүлнэ.

## ХҮМҮҮСИЙН ЗАЛБИРАЛ

Хамтдаа залбирцгаая:

Энэ чуулганы хүмүүсийн төлөө... Эзэн, өөрийн энэрэл нигүүлсэл дотор **бидний залбирлыг сонсооч**

Зовж шаналж буй хүмүүсийн төлөө... Эзэн, өөрийн энэрэл нигүүлсэл дотор **бидний залбирлыг сонсооч**

Энэ орон нутгийн хүмүүсийн хэрэгцээний төлөө... Эзэн, өөрийн энэрэл нигүүлсэл дотор **бидний залбирлыг сонсооч**

Бидэнд хариуцуулж өгсөн байгаль дэлхийн төлөө... Эзэн, өөрийн энэрэл нигүүлсэл дотор **бидний залбирлыг сонсооч**

Бүх дэлхийн Чуулган, тэдгээрийн удирдагчид, итгэгчид, тэдний үйлсийн төлөө... Эзэн, өөрийн энэрэл нигүүлсэл дотор **бидний залбирлыг сонсооч**

Ариун хүмүүсийн нэгдлийн төлөө Эзэн, өөрийн энэрэл нигүүлсэл дотор **бидний залбирлыг сонсооч**

## ТАЛАРХАЛ БА ЗООГ

### ТАЛАРХАЛ БУЮУ ЭЗЭНИЙ ШИРЭЭНД УРИХ

*Хүмүүсийг Агуу их Талархал өргөхөд болон талархлын бусад хэлбэрт өөрсдийгөө зориулахад бэлтгэнэ.*

Пастор эсвэл ёслолын удирдагч чуулганыг Агуу их Талархал болон талархлын бусад үйлийг өргөхөд өөрсдийгөө бэлдэхийг урьж гэм нүглээ улайн гэмших, өршөөл уучлалт гуйх болон бие биедээ Христийн амар амгаланг түгээх үйлд уриална.

ГЭМ НҮГЛЭЭ ГЭМШИХ, ӨРШӨӨЛ УУЧЛАЛТ ГУЙХ БОЛОН АМАР АМГАЛАНГ ТҮГЭЭХ

*Хүмүүс өөрсдийн гэм нүглээ улайн гэмшиж Бурханаас өршөөл уучлалыг хүлээн авч, бие биедээ Христийн амар амгаланг түгээнэ.*

## **УРИЛГА**

*Пастор эсвэл ёслолын удирдагч Эзэний ширээний ард зогсоно.*

Бидний Эзэн Христ Өөрийг нь хайрлагч бөгөөд өөрсдийн гэм нүглийг үнэн сэтгэлээс улайн гэмшиж, бие биедээ амар амгаланг хуваалцан амьдрахыг хүсэгч хүн бүрийг

Өөрийн ширээнд урьж байна.

Иймд бүгдээрээ хамтдаа Бурханы өмнө болоод бусдын өмнө үйлдсэн гэм нүглээ гэмшицгээе.

**ГЭМШИЛ БА ӨРШӨӨЛ** *(Пастор эсвэл ёслолын Удирдагч бүгдийг залбиралд удирдана.)*

**Өршөөлт Бурхан минь,**

**Бид Таныг өөрийн бүхий л зүрх сэтгэлээр хайрлаж чадаагүй гэм нүглээ улайн гэмшиж байна.**

**Бид чуулганы өмнө дуулгавартай байж чадаагүй.**

**Бид Таны хүслийг гүйцэлдүүлж чадаагүй.**

**Бид Таны хуулийг зөрчсөн.**

**Бид Таны хайрын эсрэг тэрсэлсэн.**

**Бид хөршөө хайрлаагүй.**

**Бид дорд хүмүүсийн хашгирахыг сонсоогүй.**

**Биднийг өршөөн уучлаач хэмээн залбирч байна.**

**Бидний Эзэн Есүс Христээр дамжуулан баяр баясгалант даруу байдал руу**

**биднийг чөлөөлөөч. Амен.**

*Бүгд чимээгүй залбирна.*

*Удирдагч хүмүүс рүү хандан:*

Сайн мэдээг сонсогтун:

Биднийг гэмтэн байхад Христ бидний төлөө үхсэнээр

Бурхан биднийг хайрлах хайраа батлан харуулсан билээ.

Есүс Христийн нэрээр та бүгд уучлагдсан!

*Удирдагч хүмүүс рүү хандан:*

**Есүс Христийн нэрээр та бүгд уучлагдсан!**

*Удирдагч хүмүүс рүү хандан:*

**Бурханд алдар нь байг! Амен.**

## **АМАР ТАЙВАН**

Бүгдээрээ хамтдаа бие биедээ эвлэрэл болон хайрыг харуулцгаая.

*Пасторыг хамруулан бүгд Бурханы амар тайвны үгс болон бэлгэ тэмдгийг харилцан солилцоно.*

## **ӨРГӨЛ**

Уучлагдсан, эвлэрүүлэгдсэн хүмүүсийн хувьд  
Бүгдээрээ хамтдаа өөрсдийгөө болон авчирсан бэлгээ Бурханд өргөл болгон  
өргөцгөөе.

*Магтуу дуу, дуулал эсвэл сүлд дуулал өргөл өргөж байх үед эгшиглэж болно.*

*Итгэгчдийн төлөөллүүд Эзэний ширээ рүү талх болон дарсыг бусад бэлэгний хамт  
авчирна. Хэрэв аль хэдийн ширээн дээр байрласан бол бүтээлгийг авна.*

*Бэлгүүдийг өргөж байх үед магтуу дуу, ёслолын магтаал эсвэл бусад хэлбэрийн магтаал  
эгшиглэж болно.*

*Хэрэв Агуу их Талархлын ёслолыг үйлдэх бол энэ хэсгээс эхлэн үргэлжлүүлэх ба Үг ба  
Ширээний Үйлчлэл III (УМН 15-16) гэсний гарчиг болон дарааллын дагуу үйлдэгдэнэ. Хэрэв  
тус ёслолыг үйлдэхгүй бол дараах байдлаар үргэлжилнэ.*

***Хүмүүс авчирсан бэлгээ Бурханд өргөнө.***

**Ариун Зоогийн ёслолд зориулсан талх ба дарс**  
Хэрэгцээт хүмүүст туслахад зориулсан мөнгө эсвэл бусад эд зүйлс  
Чуулганы үйлчлэлд дэмжлэг үзүүлэх мөнгө эсвэл бусад эд зүйлс  
Дурсгалын бэлэг зэрэг бусад тохирох бэлгүүд

Бэлгүүдийг өргөж, хүлээн авч байх үеэр:

Дуу, магтуу дуу, сүлд дуулал, ёслолын магтаал зэрэг бусад урлагийн илэрхийллүүд  
эгшиглэж болно.

## **АГУУ ИХ ТАЛАРХАЛ**

*Эрх бүхий ёслолын удирдагчаар удирдуулсан хүмүүс бүх бүтээлийг аврахын тулд Бурханы  
хийсэн, хийж байгаа болоод цаашид хийх зүйлсийн төлөө талархал өргөн өөрсдийн  
авчирсан талх ба дарс болон бэлгийн хамт өөрсдийгөө Бурханд өргөнө.*

Эзэн та бүгдтэй хамт байх болтугай.

**Тантай ч бас хамт байх болтугай.**

Зүрх сэтгэлээ Эзэнд өргөгтүн. *Пастор гараа өргөх ба өргөсөн хэвээр байж болно.*

**Бид зүрх сэтгэлээ Эзэнд өргөж байна.**

Бүгдээрээ бидний Бурхан Эзэнд талархал өргөцгөөе.

**Түүнд талархал болон магтаалыг өргөх нь зохистой билээ.**

Танд үеийн үед, газар сайгүй талархал өргөх нь  
хамгийн сайн бөгөөд баяр хөөртэй, зохистой зүйл билээ.

Тэнгэр газрыг Бүтээгч, Төгс Хүчит Эцэг Бурхан минь,

Та биднийг Өөрийн дүр төрхийн дагуу бүтээж

амин амьсгалыг хамраар минь үлээн оруулсан.

Бид Танаас нүүр буруулж, Таныг хайрлахаа больсон боловч

Таны хайр хувиршгүй хэвээр үлдсэн.

Та биднийг олзноос чөлөөлж,

бидний сүр хүчит Бурхан байхаа амлаж  
Өөрийн эш үзүүлэгчдээр дамжуулан бидэнд үгээ айлдсан.

Иймээс,

газар дэлхий дээрх бүх хүн төрөлхтөн хийгээд  
тэнгэр дэх бүх бүтээлүүд

бүгд Таны нэрийг магтаж, Танд эцэс төгсгөлгүй өргөх магтаалын дуунд нэгдэж  
байна:

*Пастор гараа буулгаж болно.*

Ариун, ариун, ариун Эзэн, хүч чадалт болон сүр хүчит Бурхан,  
Тэнгэр болоод газар нь таны алдраар дүүрэн байдаг.

Эзэний нэрээр ирэгч нь ерөөлтэй еэ. Хосанна хамгийн эрхэм.

*Пастор гараа өргөж болно.*

Та бол Ариун, Таны Хүү Есүс Христ алдаршиг.

Ядууст сайн мэдээг түгээхийн тулд  
Олзлогдогсдод эрх чөлөөг тунхаглахын тулд  
Хараагүй нэгнийг хараа оруулахын тулд  
Хавчигдагсдыг чөлөөлөхийн тулд  
Өөрийн хүмүүсийг аврах  
Цаг нь ирсэн болохыг зарлахын тулд

Таны Сүнс Түүнийг тосолсон.

Тэрээр өвчтэй нэгнийг эдгээж, өлссөн нэгнийг ундаалж, гэмтэнгүүдтэй цуг идсэн билээ.

Түүний зовлон, үхэл, дахин амилалтын усан баталгаагаар дамжуулан

Та Өөрийн чуулганд төрөлтийг өгч  
Биднийг нүгэл ба үхлийн боолчлолоос гаргаж  
Бидэнтэй ус ба Сүнсээр шинэ гэрээг байгуулсан билээ.

Эзэн Есүс дээш өргөгдөн одоходоо

Тэрээр бидэнтэй Өөрийн Үг болоод Ариун Сүнсний хүч чадал дотор  
үргэлжид хамт байхаа амласан билээ.

*Пастор талхыг гартаа авах юм уу, талханд хурч гараа дээр нь тавих эсвэл талхыг өргөж болно.*

Тэр бидний төлөө Өөрийгөө өгсөн тэр шөнө

Тэр талх авч, талархал өргөөд,  
Дагалдагчиддаа хуваан өгөхдөө ийн айлдав:

“Май, ид. Энэ бол та нарын төлөө өгөх Миний бие мөн.  
Намайг дурсаж үүнийг үйлд.”

*Пастор аягыг гартаа авах юм уу, аяганд хурч гараа дээр нь тавих эсвэл аягыг өргөж болно.*

Зоог дуусах үед Тэр аягыг авч, талархал өргөөд

Дагалдагчиддаа өгөхдөө ийн айлдав:

“Үүнийг та бүгд уугтүн.



Энэ бол та нарын төлөө болон хүн төрөлхтний гэм нүглийн уучлалын төлөө асгагдах

Миний цусаар тогтоох шинэ гэрээ юм.  
Үүнээс уух бүртээ намайг дурсаж үүнийг үйлд.”

*Пастор гараа өргөж болно.*

Тиймээс,

Есүс Христ дотор хийгдсэн Таны төгс хүчит үйлсийг тань санан дурсаж,  
Бид өөрсдийгөө амьд ариун тахил болгон  
Талархал болон магтаал дотор танд өргөж байна.  
Бидэнд олгогдсон Христийн зориулалттай нэгдэн  
Бид итгэлийн нууцуудыг тунхаглаж байна.

**Христ нас барсан; Христ амилсан; Христ дахин ирэх болно.**

*Пастор талх болон дарсан дээр гарын алгаа тавьж болно.*

Энд цугласан бид бүхэн дээр болоод  
энэхүү талх ба дарсны бэлгэн дээр Ариун Сүнсээ цутгаач.  
Бидний төлөө эднийг Христийн бие болон цус болгож өгөөч.  
Улмаар бид Христийн цусаар аврагдсанчлан  
энэ ертөнцөд Христийн бие болох болтугай.

*Пастор гараа өргөж болно.*

Өөрийн Сүнсээр биднийг Христ болон  
бие биетэйгээ нэгэн нэгдмэл болгож өгөөч.  
Христийн эцсийн ялалт ирэх хүртэл  
биднийг бүх ертөнц даяар нэгэн үйлчлэлд нэгтгээч.  
Улмаар бид Түүний тэнгэрлэг найранд баяр хөөртэйгөөр оролцох болно..

Таны Хүү Есүс Христээр дамжуулан  
Таны ариун Чуулган дахь Ариун Сүнсний хамт  
Бүх хүндлэл хийгээд алдар нь төгс хүчит Эцэг Бурхан Танд  
Одооноос үүрд мөнхөд байх болтугай. **Амен.**

**ИХ ЭЗЭНИЙ ЗААСАН ГУЙЛТ\***

*Пастор гараа дэлгэн цугласан олон руу сунгаж болно..*

Бурханы хүүхдүүдийн хувьд итгэл төгс хамтдаа залбирцгаая:

*Пастор гараа өргөж болно.*

**Тэнгэрт байгаа бидний Эцэг минь,  
Таны нэр ариунаар дуурсагдаг.  
Таны хаанчлал ирэх болтугай.**

**Хүсэл Тань тэнгэрт шигээ  
Газар дээр биелэгдэх болтугай.  
Өдөр тутмын минь талхыг энэ өдөр бидэнд өгөөч.  
Бид өртөнгүүдээ уучилсны адил  
Бидний өрийг мөн уучлаач.  
Биднийг сорилтод бүү оруулаач.  
Бузар муугаас гэтэлгээч.  
Учир нь хаанчлал, хүч чадал, алдар сүр  
Үүрд таных. Амен.**

## **ТАЛХЫГ ХУВААХ**

*Пастор Эзэний ширээний ард зогссон хэвээр байх ба хүмүүс рүү харан чимээгүйхэн талхыг хувааж хэлнэ:*

Бид олуулаа боловч нэгэн бие болохын төлөө  
Нэг бүтэн талхыг хуваан идэж байгаа хэрэг юм.  
Бидний ийнхүү хугалж байгаа талх нь Христийн биеийг хувааж буй хэрэг мөн.  
Пастор аягыг чимээгүй өргөнгөө хэлнэ.  
Талархал өргөн хүртэж буй энэхүү аяга нь Христийн цусыг хуваалцаж буй хэрэг мөн.

## **ТАЛХ БОЛОН ДАРСЫГ ХҮРТЭХ**

*Харилцан бие биендээ доорх үгийг хэлэнгээ хүмүүс талх ба дарсыг хүртэцгээнэ:*

Энэ бол таны төлөө өгсөн Христийн бие мөн. **Амен.**  
Энэ бол Таны төлөө урсгасан Христийн цус мөн. **Амен.**

*Талх болон дарсыг хүртэж байх хооронд чуулган магтуу дуу дуулж болно. Нэгдсэн Методист Цуглааны магтуу дууны номонд 612–41 дэх хэсэг болон Ариун Зоогийн сэдэвтэй (943) олон магтан дуу, дуу, найрал дуунууд байдаг бөгөөд тэдгээр нь Бурхантай болоод харилцан биендээ хайрын ариун зоогийг үр дүнтэй барихад тустай. Христчин жилийн улирал эсвэл өдөрт тодорхой тохирох магтан дууг сонгон дуулах нь чухал юм. Ингэснээр хүмүүс чин сэтгэлээсээ тухайн дууг дуулж чадна.*

*Бүгд хүртмэгц Эзэний ширээг хураана.*

*Пастор эсвэл бүгдээрээ дараах залбирлыг өргөнө:*

**Мөнхийн Бурхан минь, Та бидний төлөө өөрийгөө өгсөн  
Ариун нууцад Тань талархал өргөж байна.**

**Бид энэ дэлхий рүү гарахдаа  
Таны Ариун Сүнсний хүч дотор  
Бусдын төлөө өөрийгөө зориулах зүрх сэтгэлтэйгээр явахад туслаач.  
Бидний Эзэн Есүс Христийн нэрээр залбирч байна. Амен.**

## ҮДЭЛТ

*Хүмүүсийг энэ дэлхийд Христийн төлөөлөгч нар болж амьдрахаар явцгаана.*

ЕРӨӨЛИЙН МАГТУУ ДУУ ЭСВЭЛ ҮДЭЛТИЙН МАГТАН ДУУ\*  
**ИВЭЭЛТЭЙ ҮДЭЛТ\***

Амар амгалан дотор харих болтугай.  
Та бүгдтэй Эзэн Есүс Христийн ивээл  
Бурханы хайр  
Ариун Сүнсний нөхөрлөл хамт байх болтугай. **Амен.**

ТАРАХ\*

### Эсвэл

Хэрэв Ариун Зоог тэмдэглэгдээгүй бол,

### ТАЛАРХЛЫН ҮЙЛ АЖИЛЛАГАА

*Бүх бүтээлийг аврахын төлөө Бурханы хийсэн болоод хийж байгаа, цаашид хийгдэх ажлуудын төлөө хүмүүс талархал өргөнө.*

Талархлын үйл ажиллагаа нь дараахийг багтаасан байж болно:  
Талархлын мөргөл  
Бурханд талархал өргөсөн нэг эсвэл түүнээс олон магтан дуу  
Хөгжмийн болоод бусад уран сайхны илэрхийллүүд

Аль ч хэлбэрээр өргөгдөж байгаа талархлууд нь Агуу их Талархлын ёслолын жишгийн дагуу явагдаж болох бөгөөд тэдгээр нь бүрэн цогц, Бүтээгч Гурвал Бурханаас хувь хүн, орон нутаг, дэлхий ертөнцийн төлөө болоод түүхэн хугацаанд хийгдсэн бөгөөд хийгдэж байгаа үйлсийг бүхэлд нь хамруулсан байна. Мөн Есүс Христ дотор амлагдсан бүх зүйлсийг болон авралыг тусгасан байна.

## ҮДЭЛТ

ЕРӨӨЛИЙН МАГТУУ ДУУ ЭСВЭЛ ҮДЭЛТИЙН МАГТАН ДУУ

*Чуулган руу хандан эрх бүхий удирдагч Бурханы ивээлийг тунхаглана..*

Ивээлийн үгийн урд эсвэл дараа нь магтуу дуу эгшиглэж болно.  
Пастор, ёслолын удирдагч эсвэл өөр удирдагч нийт чуулганыг дэлхий ертөнц рүү үдэн гаргана.

ТАРАХ

Чуулган тарах үед дараахийн нэг эсвэл нэгээс илүүг хийж болно. Үүнд:  
Хөгжмийн зэмсэгт хөгжим, чуулганыг тарахын өмнөх чимээгүй байдал, албан бус мэндчилгээ, харилцан ярилцлага болон нөхөрлөл

**Зохиогчийн эрх:** “Үг ба Ширээний үйлчлэл I,” Зохиогчийн эрх © 1972, Методист хэвлэлийн газар; Зохиогчийн эрх © 1980, 1985, 1989, 1992 UMPH.



Open Hearts. Open Minds. Open Doors.

**The people of The United Methodist Church®**

---

**DISCIPLESHIP MINISTRIES**

General Board of Discipleship

THE UNITED METHODIST CHURCH